



Index Librorvm Prohibitorvm Alexandri VII

Alexander

Romae, 1667

LXVIII. Sanctæ Inqvisitionis. Feria ij. die 3. Februarij 1659.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

fundatae, per F. Bonitum Combasson.

In quorum fidem manu, & sigillo Eminentiss. & Reverendiss. DD. Cardin. Spadae Episc. Praenestini supradictae Sac. Congregationis Praefecti praesens Decretum signatum, & munitum fuit. *Datum Romae, in Palatio Apostolico Quirinali die 10. Iunii 1658.*

B. Card. Spada Praef.

Fr. Hyacinthus Libellus Magister & Sac. Congr. Secr.

Loco + sigilli.

LXVIII.

SACRAE CONGREGATIONIS INDICIS.

Feria ij. die 3. Februarij 1659.

In Sacra, & generali Congregatione Indicis Romae habita, in Palatio Apostolico Quirinali coram Eminentiss. & Reverendiss. DD. S. R. E. Cardinalibus à Sanctiss.

D.N.D. ALEXANDRO Papa VII. sanctaeque Sede Apostolica ad

Indicem Librorum, eorundemque permissionem, prohibitionem,

expurgationem, & impressionem in uniuersa Republica

Christiana specialiter deputatis.

SACRA Congregatio animaduertens foedam, ac pestiferam malorum Librorum sectam summa cum fidelium offensione, ac periculo in vinea Domini quotidie crescere, ac propagari, eiusque vitij culpam apud illos residere potissimum quorum cura prauis huiusmodi seminis extirpatio committi solet, dum in probandis nouorum operum impressionibus cautelas, & monita, praesertim verò per nouissimam Lateranensem ac Tridentinam Synodos comparata in exequendo suo munere adhibere non curant; statuit grauissimo huic incommodo, & ni maturè subueniatur in certissimam pestem animarum atque perniciem erupturo, quantum, adiuuante Domino sperari ab ope humana fas est, conuenienti remedio occurrere, ac providere, ne impuri impotentium ingeniorum fetus passim, & sine delectu prodire in publicum, inque hominum luce, qua prorsus indigni sunt versari cernantur. Quapropter habito prius verbo cum Sanctissimo Domino Nostro, omnes & singulos Patriarchas Archiepiscopos, Episcopos, eorumque Vicarios, & Officiales, Inquisitores haeretice prauitatis, Regularium cuiuscumque Ordinis Superiores, omnesque alios, qui Librorum editioni, publicationi, impressioni, assentiendi ordinariam, aut delegatam auctoritatem exercent, admonendos decreuit, prout tenore praesentium districte illos & seriò admonet, vt dent operam diligenter, ne ad examen Librorum, huiusmodi personas affectui auctorum quomodolibet addictas, praesertim verò propinquitate illos, aut alia (quantumuis à longe petita ea sit) veri & sinceri iudicij corruptrice necessitudine contingentes admittant. Super omnia autem ab oblatis sibi in hanc operam per eosdem Auctores censoribus caueant, sed iis demum vtantur, quos doctrina, morumque integritate probatos ab omni suspitione gratiae intactos, ac si fieri potest auctoribus ipsis ignotos, & vnus boni publici Deique gloriae studiosos cognouerint. Quo verò ad Auctores Regulares cuiuscumque Ordinis, & Instituti sint, illud praeterea inuolabiliter observandum iniungit, ne eorum Scripta, vel Opera aliis eiusdem Instituti Regularibus à praefatis imprimendi facultatem impertientibus (exceptis tamen quibuscumque eorundem auctorum Regularium Superioribus Regularibus, quos Sacra Congregatio in eo dumtaxat Librorum examine, quod intra illorum ordinem fieri debet, ac parte praesentis Decreti comprehendere non intendit) examinanda committantur: Sed viri in id extra eam familiam, atque alterius Ordinis pii, doctique & à partium studio, atque ab amoris & odij stimulis

Index Prohibit. Romanus.

11

prorsus

profus remoti eligi debeant. Admonet præterea omnes, & singulos, quibus hoc munus examinandorum librorum pro tempore deputari contigerit, ut memores officij sui, diligentiâ, Religionem adhibeant, nec ea detrimenta, atque incommoda, quibus à conscientias redundare pariantur, neue grauissimarum Dei offensarum, ac peccatorum inde orientium rationi se se tam in hoc seculo Apostolicæ Sedis, quam in extremo fœneri Iudicij examine obnoxios esse velint. In quorum fidem manu, & sigillo Eminentissimi, ac Reuerendissimi DD. Cardinalis Spadæ Episcopi Prænestini Sacrae Congregationis Indicis Præfecti, præsens Decretum signatum, & munitum fuit. Datum Romæ, in Palatio Apostolico Quirinali Die, & Anno supradictis.

B. Card. Spada Præf.

Fr. Hyacinthus Libellus Ordinis Prædic. Sac. Congreg. Secretarius.

Loco † sigilli.

INDICES
Librorum
PROHIBITORUM
E. V.
= 4.

LXIX.

SANCTÆ INQUISITIONIS.

Feria V, die 30. Ianuarij 1659.

In Congregatione Generali S. Romanæ, & Vniuersalis Inquisitionis, habita in Palatio Apostolico Montis Quirinalis coram Sanctiss. D. N. D. ALEXANDRO Diuina prouidentia Papa VII. ac Eminentiss. & Reuerendiss. DD. S. R. E. Cardinalibus, in vniuersa Republica Christiana aduersus hereticam prauitatem generalibus Inquisitoribus à Sancta Sede Apostolica specialiter deputatis.

PRODIERUNT Libri infra scripti Gallico idiomate impressi continentes Propositiones, quæ in Ecclesia Dei graue scandalum, & dissensiones parere possunt; Propterea, ne ex lectura ipsorum Christi fideles erroribus, ac prauis opinionibus inficiantur, Libris prædictis de mandato Sanctissimi D. N. maturè examinatis, Sanctissimus, relata vnanimi Theologorum ad hoc specialiter deputatorum censura, & auditis votis Eminentissimorum, & Reuerendissimorum DD. Cardinalium Generalium Inquisitorum, libros præfatos prohibet, & damnat, eosque pro damnatis, & prohibitis haberi vult, sub pœnis & censuris in Indice Librorum Prohibitorum contentis, atque arbitrio Sanctitatis Sux infligendis. Nemo igitur cuiuscumque gradus, & conditionis existat, etiam speciali, seu specialissima nota dignus, Libros prædictos, aut aliquem ex illis apud se retinere, legere, imprimere, vel imprimi curare audeat, sed statim à præsentis Decreti notitia quicumque illos habuerit, locorum Ordinatis, seu Inquisitoribus consignare teneatur sub pœnis & censuris prædictis. Libri autem sunt.

Libellus, qui inscribitur, l'Obligation des fidelles de se confesser à leur Curé.
Regles Tres importantes tirées de Deux passages, &c. pour seruir d'eclaircissement à l'examen du Liure du Pere Bagot, intitulé, Défense du droit Episcopal.
Lettre de l'Auteur des Regles tres importantes à Monseigneur de Marca.
Sommaires des Declarations des Curez de Paris, &c. Par M. Iean Rouffe.

Ioannes Lupus Sanctæ Rom. & Vniuersal. Inquisit. Not.

Loco † sigilli.

SACRÆ